



KEMENTERIAN PERPADUAN NEGARA

TEKS UCAPAN

**YB DATUK AARON AGO DAGANG
MENTERI PERPADUAN NEGARA**

SEMPENA

**MAJLIS AMANAT
YB MENTERI PERPADUAN NEGARA
TAHUN 2025**

**14 JANUARI 2024 (SELASA)
10.30 PAGI**

**DEWAN DAMAR SARI
KOMPLEKS F**

Salam Perpaduan dan Salam Malaysia MADANI

SALUTASI

YB SENATOR PUAN SARASWATHY KANDASAMI

Timbalan Menteri Perpaduan Negara

YBHG DATUK SERI HJ. HASNOL ZAM ZAM BIN HJ. AHMAD

Ketua Setiausaha Kementerian Perpaduan Negara

YBRS TUAN MOHAMAD SOBRI BIN MAT DAUD

Timbalan Ketua Setiausaha Kementerian Perpaduan Negara

YBHG DATUK KAMARUL BAHARIN BIN A.KASIM

Ketua Pengarah Jabatan Muzium Malaysia

YBHG DATO' HAJI CHE ROSLAN BIN CHE DAUD

Ketua Pengarah Jabatan Perpaduan Negara dan Integrasi Nasional

YBHG DATO' JAAFAR SIDEK BIN HJ. ABDUL RAHMAN

Ketua Pengarah Arkib Negara Malaysia

YBRS PUAN NORIHAN BINTI MOHAMED NAIM

Setiausaha Bahagian Kanan (Pengurusan)

Kementerian Perpaduan Negara

YBRS ENCIK WONG KIN LUN

Ketua Pegawai Eksekutif Yayasan Sukarelawan Siswa

YBRS PUAN IDA THIEN

Ketua Pegawai Eksekutif Yayasan Tunku Abdul Rahman

YBRS TENGKU HARITH AZIZ

Setiausaha Lembaga Yayasan Tun Razak

**PEGAWAI-PEGAWAI KANAN KEMENTERIAN DAN
JABATAN**

WAKIL- WAKIL AGENSI PERSEKUTUAN

BARISAN JENTERA PERPADUAN

**RAKAN-RAKAN MEDIA SERTA HADIRIN YANG DIHORMATI
SEKALIAN**

PENDAHULUAN

1. Pertama sekali, izinkan saya mengucapkan **Selamat Tahun Baharu 2025** kepada semua. Tahun baharu sentiasa membuka peluang baharu untuk kita melangkah lebih jauh, dengan semangat dan azam yang tinggi, demi kejayaan bersama. Saya mendoakan agar tahun ini membawa keberkatan, dan kejayaan kepada kita semua.

2. Saya ingin juga mengalu-alukan **kehadiran semua jentera perpaduan** yang merangkumi pelbagai latar belakang dan generasi. Antara yang hadir pada hari ini adalah:
 - Anggota Kawasan Rukun Tetangga
 - Anggota Skim Rondaan Sukarela
 - Sekretariat Rukun Negara
 - Kelab Rukun Negara
 - Alumni Sukarelawan Siswa
 - Skuad Uniti
 - Mediator Komuniti
 - Tabika Perpaduan
 - Friends of Unity
 - Rakan Strategik Perpaduan
 - Rakan Media Perpaduan

Hadirin yang dihormati sekalian,

3. Kementerian Perpaduan Negara dan agensi dibawahnya sentiasa memberikan tumpuan khusus kepada tiga objektif yang digariskan dalam **Dasar Perpaduan Negara** iaitu **mengukuhkan perpaduan berteraskan Perlembagaan Persekutuan dan Rukun Negara, membentuk identiti nasional serta melahirkan rakyat Malaysia yang mengamalkan perpaduan.**
4. Dasar Perpaduan Negara (DPN) bukan sekadar satu dokumen dasar, tetapi ia adalah **aspirasi bersama untuk melihat Malaysia kekal harmoni, stabil, dan maju.** Dengan komitmen semua pihak, DPN mampu menjadi tunjang yang menjadikan Malaysia sebuah negara bangsa yang disegani di peringkat global.

MADANI BEKERJA : MENGIMBAS PENCAPAIAN 2024

Hadirin yang dikasihi sekalian,

5. Saya ingin tekankan bahawa fokus utama Kementerian ini adalah untuk **mewujudkan platform dan tapak integrasi yang dapat meningkatkan interaksi sosial antara rakyat berbilang bangsa iaitu dengan pelaksanaan pelbagai inisiatif dan program.**

6. Pada tahun 2024, Kementerian melalui agensi dibawahnya telah berjaya melaksanakan sebanyak **730 program merangkumi 300 program berimpak tinggi** yang berteraskan kepada **kluster Semarak Kenegaraan, Semarak Perpaduan dan Komuniti Rahmah**.
7. Kejayaan ini bukan milik seorang individu, tetapi adalah hasil kerjasama erat dan semangat kerja berpasukan di setiap lapisan organisasi. Saya ingin mengambil kesempatan ini untuk mengucapkan setinggi-tinggi penghargaan kepada semua pihak yang terlibat.
8. Saya juga ingin kongsi kepada semua terutamanya jentera perpaduan berhubung pencapaian utama tahun 2024. Antara pencapaian utama tahun 2024 adalah:
 - I. **Pemerkasaan Rukun Tetangga Progresif** – Bagi memperkukuhkan agenda ekonomi dan kesejahteraan hidup komuniti, sebanyak 152 RT berjaya dijadikan sebagai RT Progresif.
 - II. **Sambutan Minggu Perpaduan** – sambutan peringkat kebangsaan telah berjaya dilaksanakan dengan cemerlang di Negeri Johor.

- III. **Lafaz Ikrar Rukun Negara** – buat pertama kalinya dalam sejarah Ikrar Rukun Negara dilafazkan secara penuh di Dewan Rakyat dan Dewan Negara.
- IV. **Penghayatan Rukun Negara** – pelbagai program dianjurkan bagi meningkatkan penghayatan terhadap Rukun Negara, antaranya Debat Perpaduan, Kem Kenali Kita, Kem Perpaduan Anak Malaysia, Jalinan Integrasi Mahasiswa dan peruntukkan sebanyak RM 3000 kepada semua Sekretariat Rukun Negara.
- V. **Mediator Komuniti** – seramai 571 orang telah dilantik sebagai pendamai masyarakat dalam usaha membendung konflik sosial peringkat komuniti.
- VI. **Pusat Mediasi Komuniti** – empat buah Pusat Mediasi Komuniti ditubuhkan di Perlis, Putrajaya, Melaka dan Negeri Sembilan yang akan membantu menyelesaikan konflik tanpa melalui proses litigasi.

- VII. **Cilik Perpaduan** – peruntukkan sebanyak RM 31 juta diberikan kepada kanak-kanak Tabika Perpaduan yang merangkumi *starter kit*, buku aktiviti, bantuan makanan tambahan, perlindungan insuran dan geran perkapita.
- VIII. **Biasiswa Tunku Abdul Rahman** - memberikan biasiswa kepada seramai 29 pelajar bagi melanjutkan pelajaran ke peringkat ijazah.
- IX. **Liga Sukan Uniti** - mendapat sambutan dengan penyertaan hampir 23,000 peserta yang melibatkan 2,300 pasukan seluruh negara.
- X. **Inisiatif Harmoni Madani** - inisiatif ini telah dilancarkan pada April 2024 dengan tema Faham, Hormat dan Terima. Antara program dilaksanakan adalah Sambutan Minggu Keharmonian, Podcast Harmoni, Dokumentari Harmoni, dan Dialog Harmoni.
- XI. **Misi Sukarelawan Siswa** – sebanyak 4 misi dalam negara dilaksanakan iaitu di Sabah, Sarawak, Kelantan dan Kedah serta 1 misi ke luar negara iaitu di Vietnam.

- XII. **Citra Nusa @ Muzium** – sebanyak 10 program Citra Nusa @ Muzium telah dilaksanakan bagi meningkatkan minat rakyat terhadap kepelbagaian warisan negara.
- XIII. **Semarak Muzium** – sebanyak 7 program Semarak Muzium telah diadakan bagi merapatkan muzium dengan masyarakat awam.
- XIV. **Program Galakan Membaca** – bagi meningkatkan minat membaca dalam kalangan rakyat, sebanyak 48,686 program telah dilaksanakan pada tahun 2024.
- XV. **Karnival Baca Perdana** – julung kalinya Karnival Baca Perdana dianjurkan sepanjang bulan Oktober 2024.
- XVI. **Bahasa Kolokial** - sebanyak 11 siri Bicara Bahasa Kolokial serta Konvensyen Bahasa Kolokial telah dilaksanakan bagi mengangkat bahasa kolokial sebagai ejen penyatuan rakyat.

XVII. **Konvensyen Sejarah dan Perpaduan Nasional** – bertujuan bagi menyebarkan luas maklumat sejarah negara kepada masyarakat. Antara resolusi melalui konvensyen ini yang telah dipertimbangkan oleh Kementerian adalah penubuhan Majlis Sejarawan Negara.

XVIII. **Friends of Unity** – sebuah inisiatif bagi mengukuhkan kolaborasi strategik bersama badan bukan kerajaan. Sebanyak 78 program kerjasama telah dilaksanakan.

9. Tahun 2024 telah menyaksikan pelbagai cabaran, namun saya amat berbangga dengan kesungguhan dan komitmen semua warga kementerian dan jentera perpaduan dalam melaksanakan amanah besar ini. Tahniah!
10. Sebelum saya ke agenda lebih penting iaitu amanat dan aspirasi bagi tahun 2025, saya ingin kongsi sedikit dapatan melalui **sistem ESEPAKAT**.
11. Sistem e-Sepakat adalah mekanisme pengurusan isu perpaduan yang dilaksanakan oleh J-PERPADUAN bagi pengesanan dan pemantauan isu perpaduan di peringkat

akar umbi. Pada tahun 2024, sebanyak **231 kes** telah direkodkan dengan pecahan seperti berikut:

- I. 103 kes berhubung isu Agama**
- II. 89 kes berhubung Kenyataan Berbaur Kebencian**
- III. 39 kes berhubung isu Perkauman**

- 12. Bagi mengatasi dan menguruskan perkara ini, Kementerian telah bekerjasama rapat dengan Kementerian Komunikasi, Suruhanjaya Komunikasi dan Multimedia, Polis Diraja Malaysia, Majlis Keselamatan Negara dan sebagainya.
- 13. Oleh itu, Kementerian Perpaduan Negara akan terus memberikan fokus kepada **pelaksanaan program utama di kawasan *hotspot*, pengurusan isu perpaduan dan program berteraskan keharmonian.**

AMANAT 2025 : HARMONI DALAM KEPELBAGAIAN

Hadirin yang dimuliakan sekalian,

- 14. Tahun 2025 menuntut kita untuk terus memperkukuh perpaduan sebagai teras kepada kestabilan dan kemajuan negara. Dengan itu, saya ingin mengumumkan bahawa tema tahun ini adalah **“Harmoni Dalam Kepelbagaian”**.

15. **“Harmoni Dalam Kepelbagaian”** hanyalah sebagai tema dan menjadi landasan utama menuju **“Perpaduan Dalam Kepelbagaian”**. Seperti dinyatakan dalam Dasar Perpaduan Negara, **Perpaduan adalah kesatuan masyarakat yang masih diidamkan dan merupakan matlamat akhir Malaysia yang berbilang etnik.**
16. Tahun ini, saya ingin juga membawa kita semua untuk menghayati dan memperkukuhkan satu konsep yang sangat penting dalam memastikan kesinambungan kestabilan negara, iaitu **konsep Negara Bangsa.**
17. Negara Bangsa adalah lebih daripada sekadar istilah. Ia merujuk kepada pembentukan satu masyarakat yang bersatu padu, menghormati perbezaan, dan berkongsi identiti sebagai rakyat Malaysia. Negara Bangsa tidak bermaksud menafikan kepelbagaian budaya, agama, atau adat resam kita. Sebaliknya, ia adalah satu usaha untuk menyatukan semua perbezaan ini di bawah satu payung besar identiti nasional.
18. Oleh itu, saya juga telah minta YBhg Datuk Seri KSU untuk meneliti cadangan untuk menganjurkan satu **Konvensyen Negara Bangsa Peringkat Kebangsaan.**

19. Selain itu, tahun ini juga Kementerian Perpaduan Negara dan Jabatan Perdana Menteri (Hal Ehwal Agama) akan bekerjasama dalam menjayakan pelaksanaan **Piagam Harmoni**. Piagam Harmoni ini merangkumi **6 prinsip, 12 nilai keharmonian, 32 panduan dan 9 hala tuju**. Turut mengandungi satu garis panduan meliputi perkara yang perlu dielak dalam memperkasa hubungan masyarakat pelbagai kaum, agama dan budaya.
20. Kita semua sedar bahawa cabaran yang dihadapi oleh negara bukanlah kecil. Polarisasi kaum dan agama, ketidakseimbangan sosioekonomi, serta ancaman dari luar memerlukan kita bersatu hati dan berganding bahu. Kunci kejayaan kita adalah kerjasama erat antara semua lapisan masyarakat. Tiada siapa yang boleh dikecualikan dalam perjuangan ini. Setiap individu mempunyai peranan penting dalam memastikan perpaduan terus terpelihara.
21. Tahun 2025 akan menjadi tahun transformasi untuk KPN dengan tumpuan kepada **empat ikhtiar utama** yang menjadi keutamaan dalam agenda perpaduan negara:

Ikhtiar 1 : Ekosistem Perpaduan

menjadi platform untuk memupuk interaksi yang lebih erat antara komuniti. Antara program yang akan dilaksanakan di bawah ini adalah :

- Sambutan Minggu Perpaduan Peringkat Kebangsaan di Negeri Pulau Pinang
- Pemerkasaan 300 Rukun Tetangga Progresif
- Sambutan 50 Tahun Penubuhan Kawasan Rukun Tetangga
- Karnival Ekonomi Rukun Tetangga
- Konvensyen dan Anugerah Rukun Tetangga
- Kiosk RT di RnR
- Karnival Liga Sukan Uniti
- Sambutan Perayaan
- Program Cilik Perpaduan
- Majlis Anugerah Penarafan Star Rating dan Konvensyen Tabika Perpaduan
- Biasiswa Tunku Abdul Rahman
- Misi Sukarelawan Siswa ke Sabah, Sarawak, Perak dan Pahang
- Pelancaran aplikasi untuk platform sukarelawan
- Program Closing The Gap Core di PPR
- Program Kepimpinan Perdana YTR

Ikhtiar 2 : Inisiatif Harmoni MADANI

dalam usaha meningkatkan dan memperkuat keharmonian antara masyarakat pelbagai kaum serta penganut agama di negara ini. Antara program akan dilaksanakan:

- Sambutan Keharmonian Sedunia
- Sambutan Hari Toleransi Sedunia
- Dialog Harmoni
- *Harmony Parade*
- *Sounds of Harmony*
- *Unity on Wheels*
- Iklan Perayaan
- Dokumentari Harmoni
- Penubuhan Jawatankuasa Pengurusan Isu Perpaduan Peringkat Kementerian
- Garis Panduan Melawat Rumah Ibadat Selain Islam
- Projek Sosial Kolaboratif: Mediasi Komuniti untuk Komuniti
- Kajian Semula dan Pengukuhan Indeks Ketegangan Masyarakat (IKM)
- Kajian Pembangunan Model Kesepaduan Sosial Semenanjung Malaysia

Ikhtiar 3 : Eksplorasi Rukun Negara

Nilai-nilai Rukun Negara adalah nadi kepada perpaduan kita. Tahun 2025 akan menyaksikan pelaksanaan inisiatif **Eksplorasi Rukun Negara** bagi meningkatkan penghayatan terhadap Rukun Negara. Antara program yang akan dilaksanakan:

- Sambutan 55 Tahun Rukun Negara
- Simposium Pendidikan Rukun Negara
- Program Silang Budaya : Gerak Integrasi Pelajar (GRIP)
- Kem Perpaduan Anak Malaysia
- Jelajah Belia Rukun Negara
- Jalinan Integrasi Nasional Mahasiswa
- Citra Negaraku
- Konvensyen Sekretariat Rukun Negara
- Lafaz Ikrar Rukun Negara kepada program swasta (kerjasama dengan GLC/Korporat/Swasta)
- Pidato Perpaduan
- Lafaz Ikrar Rukun Negara peringkat Dewan Undangan Negeri
- Kempen Taat Setia: Rukun Negara

Ikhtiar 4: Komuniti Sosio-Budaya

Melahirkan rakyat Malaysia yang peka dan menghargai khazanah warisan negara terutamanya berkaitan muzium, arkib dan perpustakaan. Antara program akan dilaksanakan adalah:

Jabatan Muzium Malaysia

- 5 Program Citra Nusa Muzium (Festival Hari Muzium Antarabangsa, Nostalgia Anak Kampung : Pusaka Tradisi, Program Perdana Bermalam Di Muzium, *Asean Native Festival & Fabrics of Asean*)
- 7 Program Fiesta Unity @ Muzium
- Perluasan Program Inspirasi Pelajar, Inovasi Muzium (44 Buah Muzium)
- Pendigitalan Muzium (Pembangunan Ekosistem Digital, Pembangunan Koleksi Digital Artifak Warisan Negara, Pembangunan Pameran Maya bagi Muzium Alam Semulajadi, Pembangunan Pameran Digital Muzium Negara & Pendigitalan Buku Nadir)

Arkib Negara Malaysia

- Penubuhan Majlis Sejarawan Negara
- Majlis Mengenang Jasa Tun VT Sambathan : Menteri Perpaduan Pertama
- Arkib Komuniti
- Seminar Warisan Asia Pasifik Surat Persendirian Baginda Omar
- Majlis Perasmian Galeria Sri Perdana dan Sambutan Ulang Tahun ke-100 Tun Dr Mahathir
- Seminar Sejarah Lisan
- Pameran ASEAN: Keterangkuman dan Kemampanan
- Arkib@ Sekolah

Perpustakaan Negara Malaysia

- Karnival Baca Perdana
- Indeks Membaca Kebangsaan
- Festival Kaligrafi Perpaduan
- Baucar Buku Semarak Membaca
- Anugerah Buku PNM
- Pelantikan Ikon Pembaca Kebangsaan
- Kem Citra Buku
- Festival Sastera Kanak-Kanak
- Sentuhan Komuniti Bestari @ PD
- Teater Koleksi Peribadi Sasterawan Negara

22. Keempat-empat ikhtiar ini adalah asas kepada hala tuju kita pada tahun ini. Namun, kejayaan tidak akan dicapai tanpa kerjasama erat semua pihak. Saya menyeru agar semua lapisan masyarakat dari kakitangan kementerian, jentera perpaduan, hingga ke komuniti di peringkat akar umbi terus memainkan peranan aktif dalam memastikan kejayaan setiap inisiatif.
23. Selain itu, dalam usaha memantapkan organisasi KPN serta memperkasakan pegawai skim perkhidmatan sosial (perpaduan), saya mohon YBhg Datuk Seri KSU untuk mengangkat perkara berikut kepada Jabatan Perkhidmatan awam:
- **Cadangan pewujudan jawatan TKSU (Pengurusan)**
 - **Menjadikan jawatan Ketua Pengarah J-Perpaduan sebagai ‘close service’ bagi skim perkhidmatan sosial (perpaduan)**
 - **penstrukturan gred dan bilangan perjawatan Pegawai Perpaduan Negeri (PPN) dan Daerah (PPD)** supaya setiap daerah diwakili pegawai perpaduan yang sewajarnya dalam memberikan perkhidmatan terbaik kepada masyarakat.

24. Tahun ini juga terdapat beberapa pindaan Rang Undang-Undang di bawah bidang kuasa Kementerian Perpaduan Negara. Antaranya:

- Pindaan Akta Kumpulan Wang Yayasan Tunku Abdul Rahman
- Penggubalan RUU Muzium
- Pindaan Akta Arkib Negara Malaysia
- Pindaan Akta Perpustakaan Negara 1972 (Akta 80)
- Pindaan Akta Rukun Tetangga 2012 (Akta 751)

KEPENGKERUSIAN ASEAN 2025

Hadirin yang dihormati sekalian,

25. Sedekad selepas Malaysia menjadi pengerusi ASEAN, pada 1 Januari ini negara diberi tanggungjawab sekali lagi mempengerusikan perkumpulan serantau ini. Di bawah tema 'Keterangkuman dan Kemampanan', Malaysia ditetapkan untuk menjadi tuan rumah kepada lebih 300 mesyuarat, program dan sidang kemuncak berkaitan ASEAN sepanjang tahun.

26. Kementerian Perpaduan Negara melalui Perpustakaan Negara Malaysia akan terlibat secara rasmi dalam acara ASEAN 2025 dengan menganjurkan **19th Congress of**

Southeast Asian Librarians General Conference and Meeting (CONSAL XIX) dengan tema Inclusive Knowledge: Bridging Divides, Empowering All.

Program ini akan diadakan pada 16 hingga 19 Jun 2025 bertempat di World Trade Center (WTC), Kuala Lumpur.

27. “*Congress of Southeast Asian Librarians*” (CONSAL) atau Kongres Pustakawan Asia Tenggara merupakan pertubuhan Pustakawan serantau yang diwujudkan bagi mengukuhkan kerjasama antara perpustakaan, perpustakaan sekolah, persatuan perpustakaan dan institusi berkaitan di dalam negara ASEAN. CONSAL dianggotai oleh persatuan pustakawan dan perpustakaan negara dari 10 buah negara ASEAN.

RANCANGAN MALAYSIA KE-13

Hadirin yang dikasihi sekalian,

28. Rancangan Malaysia Ketiga Belas (RMK13) adalah pelan pembangunan negara yang dirancang oleh Kerajaan untuk memastikan pertumbuhan ekonomi yang mampan dan kesejahteraan sosial sepanjang lima tahun pelaksanaannya. **RMK13 dijangka akan dilaksanakan bermula tahun 2026 hingga 2030.**

29. Dalam memastikan usaha berterusan bagi memupuk, mengukuh dan memelihara perpaduan dalam kalangan rakyat, Kementerian Perpaduan Negara akan memainkan peranan penting di bawah **Agenda Perpaduan dan Nilai Sahsiah**.
30. Antara perkara penting yang akan menjadi perhatian utama di bawah agenda ini adalah kluster **perpaduan dan integrasi serta kluster patriotisme dan kenegaraan**. Terdapat **tiga (3)** strategi yang dicadangkan di bawah **Kluster Perpaduan dan Integrasi**.
- i. **memperkukuh integrasi dan pembinaan negara bangsa**
 - ii. **memperkukuh ekosistem perpaduan**
 - iii. **memupuk keharmonian dalam kepelbagaian melalui Harmoni MADANI**
31. Manakala **dua (2)** strategi yang dicadangkan di bawah **Kluster Patriotisme dan Kenegaraan**.
- i. **mempertingkatkan patriotisme dan pembinaan identiti nasional**
 - ii. **memartabatkan khazanah warisan negara**

32. Secara keseluruhan, hala tuju yang melibatkan agenda perpaduan, patriotisme dan kenegaraan di dalam Rancangan Malaysia Ketiga Belas (RMK13) meliputi **lima (5) strategi dengan sembilan belas (19) inisiatif**. Kesemua cadangan ini telah dikemukakan kepada Kementerian Ekonomi.

PENUTUP

Hadirin yang dimuliakan sekalian,

33. Akhir kata, saya mengambil kesempatan ini untuk mengucapkan **Selamat Menyambut Thai Ponggal** kepada seluruh komuniti Tamil di Malaysia.

34. Marilah kita jadikan tahun 2025 ini sebagai tahun untuk memperkukuh keutuhan negara dan memperteguh jati diri Bangsa Malaysia. Semoga segala usaha kita diberkati dan membuahkan hasil yang cemerlang untuk generasi kini dan akan datang.

Sekian, terima kasih.